

已任者坐以待斃靡恤其他此可為流涕者也夫開闢風氣莫如多購西書陶冶人材莫如推廣學會此固變通鼓舞之道百世以俟聖人而不惑者也今縱不能胥天下之書院而為學會亦宜因可為之時擇可為之地廣邀同志釐正而增損之此風一倡和者鱗集推之一鄉推之一國推之天下靡不響臻影附不出十年人心之離者可以合國勢之弱者可以強而此實為最初之起點豈非保國保種保教之良規而吾儒之所有事哉謹建斯議於此以為整頓鄉學之先路有心世道之君子幸進而教之

臬憲告示

欽命二品銜署理湖南等處提刑按察使司按察使總理全省驛傳事務鹽法長寶道隨帶加一級黃 為出示曉諭事照得天地生人本無生女悲酸之意父母愛子時屢生疾毀傷之憂故圓顧方趾麻木偏枯則為疾屬毛離裏痛疾嗚咻之謂慈自薄俗流傳公理蒙昧求工織趾肆彼忍心毒整千年波靡四域肢體因而脆弱民氣以之凋殘使天下有識者傷心貽後世無窮之唾罵今之纏足是已本署司實憐之憫之惜之特騰舉其害觀縷言之曰廢天理不長於行天之所廢三刑其足古之酷刑今國家久廢肉刑上天不聞降罰赤子何罪橫加五刑几席之間忽來屠伯之酷聞房之內竟同獄吏之尊謂天謂地謂諸無所逃呼父母疾痛之弗恤由斯而言天理安在一日傷人倫母子為天下之至愛夫婦本人倫所造端而乃割慈忍愛戮所生以為榮折骨斷筋求所天之驕喜舅姑以生偏愛婢妾以爭寵妍媸以失和諧姑嫂以滋謠詠一家以此分好惡四德不問其有無人倫傷矣何恩之有一日割人權夫議不親迎春秋平等之微言妻之言齊禮經應有之義例而乃曲抑陰扶陽之說祇為冶容好色之求以充服役則視之如犬馬以供玩好則飾之如花鳥既不學以愚其心更殘刑以斷其性遂使遇強暴則膝行而前嗟實命則抱足而泣鎖閉在室呼籲無門戰戰在心拳拳縮足人權喪矣何義之有一日害家事不利走趨不任負戴不能植立不便提攜或箕踞以見家公或跛倚而囊賓祭或長跪而司澆濯或偕行而待扶持乃至饑餉之事代役於餘夫井白之操盛稱為奇行六極兼受其惡弱畢生強付於尸居四萬萬人半成無用之物二十三省各增內顧之憂害於而家以於而國矣一日損生命既縛束之又旋削之既禁錮之又幽閉之其痛楚酸心冠削致疾者無論矣其或變故猝至倉卒走逃或謫謫出出之火災或浩浩蕩蕩之水患又或生富亂離倖作囚虜受繫則鞭杖交加偶仆則人馬踐踏爺娘弟妹欲救而不能縊溺屠頭求死而不得至於張獻忠之酷割趾以像天山洪秀全之慘駢足以作人燭此更耳不忍聞口不忍述者矣生命之損非此階

之厲乎一日敗風俗夫戕賊杞柳以為杯棬道家猶譏其傷物養魚鳥施之籠網君子猶譏其不仁今以人類等物藉殺人以媚人肢體何物以供戲玩骨肉至親使之誨淫是何異乎剝奪嗜殺涎較而下酒釀林取樂聚蠅以整人乃彼則全無心肝眾所笑罵而此則舉世相習而不察千年沿襲而不改誰為作俑豈曾無後世有地獄正為斯人風俗之敗無以踰於此矣一日戕種族五代以後至今千年神明之胄層遞衰弱豈人材之不古若歎抑他族之獨為天驕耶非也蓋人生得半於母氣今在母先損其胎元稟賦已薄則軀幹不偉孱弱多疾則志氣日頹本質先穢無怪枝葉之凋魚肉自戕若待刀砧之供遠宋以來此風盛行華夏之舊積世逾弱彼漢唐極盛曾有天可汗之稱歐美大邦絕無人為奴之事反是以觀種族之戕又奚堪設想乎凡斯利害昭然目前苟有天良能無心痛本署司早歲隨槎環游四國先往東海後至西方或作文身或束細腰離異形尚無大害若非洲之壓首使扁印度之離題飾觀雖有耳聞並未目觀惟華人纏足則萬國同譏星詔貴人聚觀而取笑畫圖新報描摹以形容博物之院陳列弓鞋說法之場指為蠻俗欲辯不能深以為辱既聞屈居西人聯合大會名為天足意在勸懲在彼以普渡眾生為名使我增獨為君子之恥適新會梁君即今之時務學堂堂長商立此會首列賤名而南皮張公今 湖廣總督部堂遂手書一叙普告於眾近而冠蘇遠而閩廣以小生鉅異步同趨行之未及一年入會已逾萬眾今本署司從宦湘中忝居居民上若畏避誦謗置為後圖非特無以慰我黎庶亦復何顏對我友朋此本署司平生之志不敢不為士民告者也 大清受命近三百年 會典通禮明載服色 后妃福晉依然同履凡我臣民自當效法恭讀順治十七年 聖諭有纏足者罪其父若夫杖八十流三千里又嘉慶九年奉 諭今鑲黃旗漢軍應選秀女內纏足者竟至十九人殊為非是此次傳諭後仍有不遵循者定將秀女父兄照違制例治罪 皇祖有訓普天共聞祇以 本朝政體尚寬漢人聽其從俗故官吏視為具文士民逃於法網夫王制首禁異服史志明譏服妖乃生今而蹈違制之罪欲盡而為折割之人撫膺以思若芒在背此又本署司官守之守不敢不為士民告者也查光緒九年湖南奏准故殺幼媳酌議監禁勿聽收贖近有村婦為九歲養媳纏足惡其啼號立時毆殺者本署司遇有此案必援照辦理同治十年部議凡宦家致死婢女者除死者年齒已長或避近斃命仍照舊章辦理外如年在十五以下驗有水淋火烙傷痕照金刃損折五傷以上俱入情實嗣後如有官民婦女因纏足致死卑幼及白契婢女罪應絞候者秋審時必援照此案概入情實孺子入井皆有惻隱之心婦人黑心敢為姑息之愛冀少免赤子之宛轉啼號斷不縱惡姑之狠心毒手此又本署司刑

名之滙不敢不為士民告者也本署司之出此勸諭非謂能伸其禁制之權兼慮鄉曲愚民不免非笑之舉習焉不知積重難返滔滔皆是藐藐誰聽然竊計數年之間 朝廷必重伸禁革之令數十年後天下必無纏足之風理出於大同弊去其太甚道窮於必變任重於先知為此示紳商士民人等一體知悉所望不纏足一事交詔而兄勉家喻而戶曉早除一日即早脫一日之厄多救一人即多得一人之用以存天理以敦人倫以保人權以修家事以全生命以厚風俗以葆種族本署司實有厚望焉切切特示

撫憲第三次招考時務學堂學生挑撥榜

楊德鈞	張協沅	鄭奮園	黃經權	王文豹	左萬博	郭鶚	于鉞	張卓華	譚嘉會
吳三光	易瑞龍	劉棟蔭	張頌熙	黃駿	毛鴻遇	呂先選	辛揚藻	唐嘉猷	蕭胃
廖定華	呂輔	譚忠銘	龍恒三	劉賢哲	滕樹勳	舒修序	陳家燦	傅明良	劉輔定
黃保極	楊叙熙	唐業樹	陳正舒	彭定珍	余明炳	孔綸	章吉	陳棟	胡敷植
陳為錦	柳大熙	劉善繼	鄧振聲	辜天祐	黃匯清	師錫壽	饒鼎達	熊載南	鄧名卓
蔣光洽	黃本璞	鍾湘川	邵振璣	龍擇南	宋擇森	鄧安國	陳鴻範	丁南薰	江書升
張仲新	蔣朝端	謝明敏	馬成均	許崇燾	饒仲陶	汪守達	何樹榮	陳兆麟	瞿國光
任壬	張光秉	余沃	鄧汝霖	章士受	梁應熊	楊顯熊	毛緒復	唐炎雲	曾泮元
譚先通	李著瑤	劉大琛	常國綱	劉賈子	張壽艾	沈明煦	王魁	張清泉	易克懋
趙聲芝	傅良臣	陳昆	郭鍾嶽	蔣運鴻	李少唐	陳啓煥	楊熾	尹海航	蔡毓蘅
沈明章	陳常	謝鎮西	李猶龍	文猶龍	彭煥甲	龍紀官	江淵	劉善幹	向時傑
饒運銓	呂光國	蔡炳彪	李文瑞	陳洪範	鍾楷	鄧序鑾	伍昭夏	高壽	鍾廣照
辜天保	史鑒桐	袁鳳形	郭本懷						

蘆漢鐵路購地章程○北洋大臣王督辦鐵路大臣盛會銜示諭購地章程八則照錄於後 一內地有青苗加給苗價銀八錢其墳地另給遷費每塚加給銀八兩均按行平松江銀核發如該委員司事書役等倘有短給價值並扣平色等事准爾等赴局告發追究爾等亦不得拾價居奇自于違旨之咎 一民間田地雖歸業戶其中有永佃分收之地有按年活租之地而近畿一帶又多旗地名目煩雜糧租不一應給地價以及補給春苗

租種釐定條款陸論沿途俾旗民業佃咸知各有應領之價而免傳疑爭執 一錢糧民地價由業戶具領若其地已典出與人該業戶將所領之價內提出原典之價歸還典戶 一錢糧民地並非業戶自種而出佃與人者地價歸業戶具領如有青苗之地歸佃種之戶其領如佃戶已繳光緒二十三年分之租價由業戶如數繳還 一雖係佃種民地向由佃戶承租而業戶不能奪其佃每年所獲之租係業戶與佃戶分收者乃一地養二民之地此等田地民間向例如原佃之戶因事過與他人承佃亦有過佃之價所給地價應由業戶與佃戶分領以免向隅 一各王府園地均有庄頭承管而庄頭不能私賣園地只可援照民間向例由承佃之戶過於鐵路應有過佃之價以應繳年租輕重為準則核減發給如每畝每年應給租錢在一千文以內照毗連民地之價減去錢六千文或每畝應給年租在一千文以外多征年租錢約六百文者即減去地價十千文其有逾於六百文及不足六百文無論津錢京錢東錢銀兩均以此核算過佃之價由佃戶具領應繳王府年租過歸鐵路名下聽候核辦如該庄頭有延將鐵路應用之地不欲過歸鐵路名下仍向原租原佃之人承租等情准該佃戶到局稟揭以憑懲辦 一各項旗人私產向由庄頭經理承佃與民者按照王府園地辦理如旗人願將是地盡賣亦以年租多寡為準另給佃戶過價外如每畝每年征租錢在一千文加給地價十六千文如年租在一千文以外者每畝每年多征錢糧在六百文者即多給價錢十千文具有逾於六百及不足六百者無論津錢京錢東錢銀兩均以此核算賣過之後不能再收征租 一各庄頭及閑散屯旗有己分私產自得耕種成雖與民人耕種係按年論價活租之地並非承佃於民按照毗連民地之價給發

續登分發人員驗看名單 ○鹽知事朱堅順 天雨淮 州吏目黃慶霖 湖南陝西高炳元 湖南廣西王炳 李蓮 湖北山東婁熾昇 雲南四川 縣主簿周書安 安徽浙江 府照磨秦振興 江蘇江西張學年 湖南浙江 通判 照磨王培齡 湖北江西 府司獄張著錦 四川福建 巡檢宋學濂 四川廣東江兆錫 四川湖南韓炳山 廣東 李蓮 湖南廣東陳卓南 雲南姚裕楨 順天雲南江文環 廣西戴鼎元 廣東福建江譜 廣東安徽江西劉錫銘 江西廣西盛廷珍 安徽江西楊德榮 貴州四川從九品謝君毅 廣東江西何其琛 廣東福建蘇光祖 浙江廣東沈 志鴻 浙江廣東陳肅 浙江安徽吳洪 浙江河南竹祖惠 四川陝西 典史祝祖佑 湖南陝西張維藩 湖南浙江 江澤春 安徽江西蘇壽齡 安徽江西范宗連 江蘇浙江蔣體駿 江西廣西董景芬 安徽江西周葵 四川廣東王廷 輝 浙江廣東王文炳 浙江江西余用霖 浙江四川李作樞 浙江江西李坤雲 河南 開官任毓麟 順天河南

未入流袁恩浩廣東浙江孟綏浙江四川

猶太復國會錄國報○猶太衰微為土耳其所併人民散處各國竟有富塔王室人心固結思光復舊土仍歸獨立茲於瑞西罷借魯市開猶太復國會咸謂土耳其索還八烈斯坦影地方因往說土廷曰倘蒙歸還故土當不惜財賄以救土國目前之急且猶太之密爾富厚亦土之光也土廷當無不許會中亦有不然者謂猶太人民既稱富有何處不是樂土又沾沾以規復舊國是謀不亦拘迂乎為會中博士迭我度魯際魯借魯又隙亞必拉二氏所排斥力贊恢復之見一時附和者更眾云

意棄屬土錄國報○西近事報云亞比細尼亞王美烈你苦氏以意國於也里斯尼亞地方不肯撤兵亞王所俘擄意國之囚亦不肯釋回將來意國所領阿非利加屬地恐力不能保勢必為亞國所有目下意國總理大臣魯田尼侯爵以亞國交界也里斯尼亞地方向係意之屬地茲為亞挾制不得屯兵其他屬土當一併割棄從此意國之聲望頓減蓋亞王如此逞強因俄國為之奧援也

啞路地來信錄國報○倫敦農報云吾聞閱報者相聚而言曰今論東方之事未有如貴報所言之詳者夫東方時事乃吾英人所願聞者也今貴報言之如此其詳吾人能無感乎吾久客東方於彼處情形亦畧知一二若以今日我英人之所當為而論未有急於圖西藏而論者每以此舉為英無見不知今以俄德法而論俄據滿洲德佔膠州法奪海南人皆有所染指而我英獨無則圖西藏以廣印度北鄙原不為過何得云無見耶得西藏不惟可與地利以開財源且中國西方一帶如四川省之類皆在我英掌握矣及今而不乘機他日悔無及矣嗚呼吾甚望英國為政者勿失此機也

全球人數錄漢報○大阪每日報云德國的兒噫兒的報言頃稽查全世界人口總數十四億七千九百七十二萬九千四百人且全球上每一分鐘時生者七十人死者六十七人之譜云

日派軍艦錄蘇報○每日報云日本海軍大尉郡司某常憂北方少備欲自往當其任因與部下數十人坐小舟破鯨浪以赴占守島傍從事漁獵而求利源該島地氣甚屬寒冷冬季積雪數丈不便常住然郡司大尉悍然不顧益自刻苦以從其業人皆壯之客年九月後北海結冰輪船不通音信悉絕日下尚未得知消息是以北海道應官請海軍省派軍艦探其情形現在海軍省擬俟東歷四月中旬飭派武藏號軍艦前往探看  
德國武員次第回國錄國報○東亞細亞新彙報云中國吳淞口新設之防營一切操法均用德國式樣先

後聘到德國武員武弁不下二十餘人聞各員弁再此大合同期滿即不再續中國將其一一遣之回國云前數日有先到營之某員因所立合同日期已滿昨日附輪歸國矣即後到營之各員今秋合同亦將滿限管帶該軍之沈公於洋員全數返國後亦回南京辦理江南水師學堂事務云

鑄造金錢錄國報○本司冠時報云訪事人云曾經英廷允准美達利及香港兩處自行鑄造金錢今接倫敦信云此等金錢現已酌定式樣其錢一面英字一面漢字

韓廷外人錄漢報○每日報云韓國前向俄國政府誓不聘用外人因悉辭退俄人然刻下猶有英人不拉溫氏等二名在戶部美人克利士哈斯氏在法部美人仁士士在兵部英人十的兒士夫令克氏在警務廳英人巴知存士美人巴利巴克斯氏俄人一名法人一名日人二名在學部其他總計仍有十七名內惟美人克利士哈斯仁士士兩氏現在飭諭辭退美人不拉溫氏亦欲辭退然該氏固守定約而不動云

新開口岸錄漢報○每日報云和蘭屬印度美那土地地方新開寬潭比蘭兩口以為通商埠並經駐新嘉坡和蘭領事士維克氏照會各國政府

三百年祭錄漢報○大阪每日報云試舉世界古今之人傑屈指之則日之豐太闔元之忽必列法之拿破命第一人皆呼為世界中之三大傑雖三尺童子皆能知之矣頃聞日本紳士等以本年豐公逝後當三百卅特舉行大奠以祭之侯爵黑田長成氏為祭主專任一切東歷四月一日於京都阿彌峯豐公墓所處行祭奠黑田侯為主祭各知府知縣及各國紳士等皆列其席而祭之

俄人退去錄漢報○九州日日報云韓政府所聘用俄人財政會計官武備教習等現在一併飭諭辭退還國且賜給路費及酬金共計四萬二千一百四十元內酬金九千元路費金則財政辦理官亞歷史夫氏一萬二千六百元武備教習士官六名軍醫一名六千三百元武備教習士官二十八名七千三百五十元譯譯官二十一十七千三百二十元

英國宜在中國北方得一口岸論續前稿○尤可懼者德人倘再合他有權力若俄人者以謀我共劫我貴重之船我英益難抵制則德人之有此口其關係豈淺鮮哉但無論膠州或三沙凡為德國新得屯煤之地我國家及水師官員均不可熟視無睹因德國此次舉動於泰東之政策實有最要之機謀存乎其間倘我英計欲將來自保擬在泰東得一有用之地宜知今日正可乘勢用力行事之時為通商及謀東方時事計當在香港以北

得一地蓋東方近日時事之緊要關係畢集於北直隸海股及黃海等處香港雖日益繁盛祇可作水師駐劄之所與中國高麗日本等處商務之總會而已况英商之願望較前更奢彼今日所注意者乃欲得一地創建工廠製造土貨與中國土產爭勝即香港與對岸之九龍二處俱在英商所求者之外若以棉花一項而論亦當及早請國家將土地推廣一旦西方之商務大興於中國凡各國向來在中國據有消息靈通轉運便利之地如揚子江與西伯利亞迤南之鐵道枝路等處將來必獲大利我英今日所有之地皆遠在南方必須在北方再覓一口岸此非僅為商務起見即於戰事亦甚有裨益倘我英無如此口岸迫俄日一有戰事當覺有種種不便之處試問亞東逐鹿之場若為形勢所迫共聚於割割兒灣與日本海等處我國戰船將至何處躲避修理乎彼時雖有香港亦無所用之矣區區魚雷復何足掛齒哉故英國宜在北方得一口岸之說我英水師官員及深謀之士久視為今日至要之策至於我英在西太平洋之謀忽生無數阻力乃始於三年前近來俄日二國之舉動甚為奇異該處商務之收變常示人以機緣而我英輒當面失之今宜在該處竭力整頓商務以攬海上大權至擇何口為最善實一難亂之題但無論如何巨文島於英亦非要地區區小島並無港灣可泊如鄉里祖率之夫得一禮讓之區實不相宜也至舟山我英與中國有夙約似為美善之地查此島係在揚子江口之南左近多小島惟自英三月至七月多霖潮勢猛惡夏日天氣又甚蒸鬱此亦便利中之不甚便利者也然則欲於此地廣民衆之國得一絕好口岸當在山東江蘇兩省求之乎但無論何處為我英今日計坐而言者即當起而行之若既雨綢繆則已晚矣

延年會題名

- 熊希齡字秉三鳳凰人 譚嗣同字復生瀏陽人 黃 尊字仲謙南州人 唐才常字佛塵瀏陽人
- 王鏗古字曉夫善化人 鄒禮賢字紹航瀏陽人 涂儒鷺字質初瀏陽人 莊鍾溥字秉恒江蘇人
- 何釐瓊字慶松瀏陽人 鄭 藻字樸蓀長沙人 馮恭綬字子敬浙江人 聶祖訂字岸湖桃源人
- 不羈足會董事續題名
- 朱 楷字薪齋善化人 蔡壽臻字福駢長沙人 宋德康字熙臣瀏陽人 歐陽中鵠字節香瀏陽人
- 易鼎元字與凡湘陰人 廖貫吾字子忠瀏陽人 易鴻謙字雋丞長沙人 莊鍾溥字秉恒江蘇陽湖人
- 黃兆芝字廉生湘陰人 易經淇字竹仙湘陰人

日本橫濱中國大同學校告白

日本橫濱中國大同學校已於二月上旬啓館中文教習四人西文教習二人海內志士如欲來學者每月費用七元每年脩金廿五元乞先函寄上海大馬路泥城橋大同譯書局轉達或逕寄橫濱居留地百四十番大同學校亦可并欲來入東京專門學校肄業者本學校可為東道主人且作先容凡海內有欲購日本圖書儀器者本學校均可代辦 光緒二十四年三月初一日謹白

南學會告白

現在各種中西書籍均已購備齊全有來閱書者請至本會領取憑單如因終日閱書需購飲食者可由本會齋夫備飯每餐酌送飯費

時務日報告白

本館設在上海軍采訪內地緊要時事選譯西報交涉要情章程體例均做英太晤士報今准於閏三月上旬出報每紙售錢十二文願購閱者請至本館取閱可也此啟

濟世良醫

湘鄉吳君號息機道人 寓湘鄉昭忠祠特白

印送不纏足歌

凡欲閱者請至南正街衙宅領取

# 新造木輪

此船係仿蘇河木輪式樣加工製造輕快異常往來長沙湘潭載客甚為穩便而價極廉每日上午八點鐘開往湘潭晚間八點鐘開回長沙決不遲誤停泊定所長沙在大西門外湘潭在十四總特此告白

閏三月十八日日用各物時價表

物名	每	實	比較	物名	每	實	比較
銀	兩	三十四文	七錢四分一厘	銀圓	圓	七錢五分	湘平 九百十五文
上白米	石	一千五百五十五	三千七百文	次白米	石	一千五百一十二	三千六百文
中米	石	一千五百	三千五百文	河東谷	石	一千二百四十四	一千六百六十文
河西谷	石	一千七百三十五	二千九錢五分	淮鹽	石	四百二百文	五十六文
洋油	包	七兩一錢	七兩一錢	菜油	石	七兩四錢	六兩
茶油	包	一兩七錢八分	一兩七錢八分	桐油	石	九百五十文	九百五十文
牛油	包	一百二十文	一百二十文	栗木炭	石	十六兩八錢	十六兩八錢
歡喜炭	石	六百五十文	六百五十文	上棉花	石	十五兩六錢	十五兩六錢
中棉花	石	十六兩四錢	十六兩四錢	下棉花	石	三兩五錢	三兩五錢
頭印折表	石	三兩九錢	三兩九錢	一印折表	石	三兩八錢	三兩八錢
三印折表	石	三兩三錢	三兩三錢	吳庄紙	石	三百一十文	三百一十文
三印折表	石	三百六十文	三百六十文	烟煤	石	三百一十文	三百一十文
柴煤	石	二百四十文	二百四十文				

## 勸湘工

邵陽樊維撰

湖南天下之工國也五代馬氏以工商立國夫工者勸商之本也無工是無商也五都之市賽博之場地地利不與五坊不飭爛縵敗絮牛溲馬溲充塞園圃積壓囊橐豈足稱販躉之雄騁鈞距之術哉土產萬貨出之于農沐櫛風雨胼胝手足釀彼菁華供其采擷終歲勤動藉資畜事食之于汗血衣之于肩背則農家者抑工之流亞也輪鐵非算祥光化電千靈萬幻何莫匪工全國之政胎胚于此故未有工贏而商細者也未有商贏而國細者也地球數十國爭利趨異競奇門新日異月盛出鬼入神有加靡已世界之文明愈進工業之權力愈放駁至萬國一工國也獨一湖南哉歐墨列邦原本基始發祥致大舍工之力莫或至是米利堅之富也行商李之令盡舉關之利拓糞畜之法致機器之用八十餘年產業積多四十餘倍國無遺寶雍雍太平工為之也英吉利之盛也窮輸釐之巧推華約之智鑿審面之能鑿匠治之毅八十餘年產業積多六七倍樹霸五洲遍執牛耳工為之也日本之與也彈慧術之性步製造之精究纂刻之殊逐甄學之絕二十餘年產業積多數倍戰勝亞西收列邦並驅歐墨爭雄海上工為之也若是乎工之益于人也聞之子長氏矣農而食之虞而出之工而成之商而通之夫農虞之所食出商之所通前後皆待成于工也聞之子夏氏矣百工居肆以成其事夫百工不精不新不可謂居肆不居肆則萬事無成萬事無成則三民之原竭也聞之夷吾氏矣工者與功不與分智者知之愚者不知不可教民巧者能之拙者不能不可教民非夫人能為之也不可以為大功夫統智愚巧拙夫人而知能之此泰西所以冠五洲也聞之攷工氏矣粵無鑄燕無函秦無盧胡無弓車非無之也夫人能為之也知者創物巧者述之守之世謂之工百工之事皆聖人作也鑲金為刃凝土為帶作車行陸作舟行水皆聖人作也夫以工為聖人至率夫人而工之此歐墨所以橫地球也史公于夏之言何其相似焉若夫工之言又何相似夫惟通國人皆聖工則天下事不足成西人不足畏已攷之于古則如此證之于西則如彼若夫工之益于人也聞之子長氏矣農而食之虞而出之工而成之商而通之夫跨洞庭之要鐵路創輪船展駛通商口岸舟車利宏上屬兩粵穿黔漢貫羅緬旬控大洋而接萬船下振荆襄挈江淮越黃河幽燕縱西北而橫東南珍瓊駢闐交貨聚塞瞬息千里潮水消漲則此洲第一形勢扼奇撮要之大工廠也貨棄于地人滿于土物食浮賤貨價廉簡而上下之智未開故民間之生計日細人已之見太重故師法之取資蔑自醉夢沈酣日月封薪煤鐵充斥而開採無術花棉塚積而紡織不靈竹木環遠而成斲無日土石橫豎而利用絕闕土法既頹敗而礱礪新機益暗弱而屯蒙大工既綿薄而無力小工亦痿痺而絕能坐銷立